

# QVÆSTIO MEDICA

## QVOD LIBETARIIS DISPVATIONIBVS MANE DISCVTIENDA

### IN SCHOLIS MEDICORVM, DIE IOVIS III. MARTII

### M. IACOBO GAVOIS Doctore Medico, Moderatore.

865

*An vt corporis sic anima senectus?*

**H**OMO mirabile quoddam animal est, ex duabus partibus longè diuersissimis compactum, animâ veluti numine quodam & corpore tanquam mutâ pecude: siquidem corpore ita reliquis animalibus non præstamus, vt multis eorum dotibus simus inferiores: animâ verò adeo diuinitatis sumus capaces, vt ad eam proximè naturâ immortalî liceat accedere. Singularis est illius substantia, seiuncta ab his visitatis notisque elementis, incorrupta, quæ corpore veluti carcere indusa, sui generis non immemor, cuncta agit immota, celeritate mirabili. Vis eius excellentior in arce capitis inhabitat, tribus conspicua facultatibus, quæ per totam cerebri substantiam diffusa, nullam præcipue partem eius, edendis functionibus affectant. Vis memoriæ incredibilis! An cerebrum quasi cera imprimitur, & in eorum omnium vestigia signata sunt? Phantasia rationis imitatrix eò nonnumquam deuenit acuminis in brutis, vt admiratores sui reperiât, qui malint eorum vitæ breuitatem amplecti, quàm in suæ partem immortalitatis vocare. Mens verò summa hominis perfectio, cælum imitatur vnde profluit, gaudet motu, spargitur, vagatur, non multitudine non vehementiâ phantasmatum offenditur, multa intelligit absque corporeo famulatu, se ipsam intelligit, prorsus vt harum functionum nobilitate se vindicet ab iniuriâ mortalitatis.

**C**ORPVS altera pars hominis ignobilior, quod natura fert in omnibus rebus quarum origo terrestris, perpetuo in occasum decursu ruit, intestinâ calamitate, quam nulla humana industria potest effugere, Hæc est vicissitudo rerum quæ celi ambitu continentur, vt stante hæc quondam siderum vniiformitate, in omnibus regionibus, non terræ semper eadem fertilitas, non plantis animalibusque similis vigor, nec homini quibuldam temporibus vel ætas tam longa vel statura tam vegeta, vt nullus maneat certus atque constitutus ordo, nisi quod cuncta æqualibus iustisque regulis oriantur & occidant, ortus vnus alterius interitum excipiat, & dum mori creduntur reddantur immortalia. Quod vnum etiam caduco corpori concessum est, vt pari modo adolefcens & senescens, indefessa tamen nec aus peiore sui propagatione, animæ quodammodo æmuletur æternitatem: Præmium ingens quod ei dependit anima pro hac in terris habitatione, nempe viuens corporis origo est, insita femini, illud eius virtute generat, crescit, viget, vbi natuum calorem moderatur, qui tamen dum gaudet ac iucundè fruatur humidi commercio, dissipat eius substantiam, quâ sublata panter ipsum tolli necesse est vnâque simul animal interire.

**P**RIVSQVAM tamen ad exitum perducatur corpus, è tenui ductum paruoque rudimento, per varios ætatum gradus ita venit ad summum, vt deinde paulatim deficiens senescat atque redeat eò vnde illi exordium fuit. Ætas prima mollis, in quâ vegetans virtus & humiditas præcellit, hinc sensus minus acuti, primûque temporis munus, quadrupedum more repere, hinc anno septimo vix absoluta loquendi integritas: Cum ecce paulò validius redditum corpus, aureû pubertatis florem fundens, generatione seminis meminit se ad interitum properare. Non ea tunc, quæ prioris ætatis innati caloris vbertas inest, quæ sensum imminuta, corpori tamen incrementum præbet ad vigesimum quintum ætatis annum, quo tempore magis prolificum semen: Inde longius procedens acrior euadit, hinc in iuuenibus regnat vigor sensuum, summâque corporis perfectio. Accedit constans ætas, occultæ diminutionis tempus, sublequitur mox ea quæ ad manifestum nos interitum præcipientes agit, hebescent in eâ sensus, membra torquentur, ciborum instrumenta obsolescunt, vt sit hæc viuendi meta naturalis octoginta annis circumscripita, quos qui transierit, idè illi euenit quod quærigis & stadiodromis vltra destinatum procurentibus.

**A**INOFFENSO pede anima vicissitudines illas decurrit, cuius præcipua facultas mens scilicet ab omni materiæ commercio expedita semper micat, interdum ludibriis sensuum perculsa, non ita tamen quin eorum ministerio vacans, illustrior appareat, vt cum in somnis corpore quieti tradito, ad interiora domus penetralia se se recipiens inquieta vigilat; hinc de futuris etiamnum aliqua fides & oculata studia, mores, humores, morbi apprimè reuelantur; non videtur anima naturæ suæ magis compos, quàm cum à corporis curâ liberatur, aut leuiori factâ sarcinâ, velut rimosa domus diuulsis hinc inde parietibus clariore excipit luminis tractus. Quibus præcellens ingenium iis corpus imbecille, hoc contrariâ prorsus ratione sensum deficit ab summo vigore, illud ab obscuris ductum principijs ad apertam claramque lucem, processu temporis traducitur. In pueris illius vsura ferè nulla, alioquin maturè magnum ingenium vitale non est; flos ætatis periculum mentis: proximum senectuti tempus ad summam prudentiæ vim accedit: ita semper anima cum terrestri mole pugnat, vt cum eâ coniunctim viuere sine assiduo bello, dirimi nequeat sine maximo cruciatu.

**C**ONDIMENTVM omnium ætatum senectus, in quâ parum felici coniugio, robustum ingenium cum corpore copulatur, obnoxio quidem morbis penè continuis, sed cuius incommoda compensat vnica prudentia. Præclara facies & lacertorum robur dilapsa sunt, ac viget illa generis humani moderatrix virtus: Animi imperium est, corporis seruitium; teritur hoc, augetur verò in dies cum ætate consilium virtusque murescit: Ità nempe contraria est iuuentuti senectus, vt in pomis acerbitati maturitas. Bonarum artium atque disciplinarum peritia adolefcens est, prudentiæ laus solius senectutis, quæ si nulla fuisset, nulla etiam ciuitas exstitisset: vt in senectute denum perficiatur intelligendi vis, quemadmodum manus operâ vt non possumus statim ab ipsis ortus nostri principijs, sed vbi à natura absoluta est, sic illa virtus animæ, nisi aliquo detrimento lacera læsaque sit, eo tempore potissimum consummatur: Quando resedit ille sanguinis feruor defæcatores spiritus oculo mentis rerum species manifestius subiciunt, qui tum maxime acutè cernere incipiens penè liber ac solutus, quasi funeratis omnibus corporis partibus, facultates quibus ad intelligendum instructus est, nobilissimas exerit.

*Ergo non vt corporis sic anima senectus.*

Proponebat Lutetiæ **CLAVDIVS PERRAVLT** parisiinus. **A. R. S. H. M. DC. XXXIX.**

DOMINI DOCTORES DISPVATVRI.

M. Claudius Seguin, Prof. Reg.  
M. Simon le Lestier.  
M. Sebastianus Rainsfant.

M. Petrus Guenaut.  
M. Nicolaus Brayer.  
M. Cyprianus Hubaut.

M. Ioannes Riolan, Prof. Reg. & prim. Reg. Matris Med.  
M. Michael Tourain.  
M. Simon le Tellier, Med. Reg.

